

## **Zaključci Evropske komisije o ažuriranim informacijama u pismenoj formi koje su dostavile institucije u BiH**

- 1. Smanjenje broja neriješenih predmeta** – izmjene i dopune Zakona o parničnom postupku, podrška medijaciji, unapređenje izvršnih postupaka.
  - Evropska komisija konstatuje inicijative VSTV-a usmjerene na smanjenje broja neriješenih predmeta, posebno jasne instrukcije za izradu plana za smanjenje broja neriješenih predmeta, uspostavu Stalne komisije za efikasnost pravosuđa, izradu i primjenu pravilnika za ocjenu rada sudija i tužilaca. Komisija očekuje da se sve sudije i tužioci u potpunosti pridržavaju novih propisa na snazi.
  - Komisija pozdravlja inicijativu za pokretanje javnih konsultacija o učinkovitosti četiri zakona o parničnom postupku koji su na snazi u BiH, uspjeh radne grupe za praćenje aktivnosti koja je izradila set usklađenih izmjena i dopuna, te sada očekuje njihovu finalizaciju i usvajanje od strane parlamentarnih tijela.
  - Smatra pozitivnim i druge zakonodavne inicijative kao što su izmjene i dopune postojećih zakona o izvršnom postupku, kao i aktivnosti koje VSTV trenutno provodi na izradi nacрта Zakona o naplati komunalnih usluga.
  - Podsjeća da se sudska i vansudska medijacija trebaju promovisati, te stoga pozdravlja sve veći broj obuka na ovu temu koje se organizuju za sudije i stručne saradnike.
  - Poziva na unapređenje izvršnog postupka i smatra pozitivnom primjenu Sistema za elektronsku obradu komunalnih predmeta, kao i na organizaciju obuka za nadležno osoblje, a posebno za sudske izvršioce čiji bi mandat trebao biti dodatno definisan uvođenjem jednoobraznog sistema zapošljavanja uz polaganje stručnog ispita.
- 2. Otvaranje novih sudova u BiH** – izvještaj o stanju.
  - Evropska komisija podsjeća sve zainteresovane strane, posebno imajući u vidu finansijsko stanje u zemlji, da ne bi trebalo otvarati nove sudove prije nego što se izvrši odgovarajuća procjena finansijskih/kadrovskih resursa i dok VSTV ne odobri otvaranje sudova i započne postupak zapošljavanja sudija.
- 3. Podrška ekonomskom rastu** – efikasnost privrednih sudova/privrednih odjeljenja pri sudovima u BiH, funkcionalnost stečajnih propisa u BiH.
  - Evropska komisija predlaže da se sistem privrednih sudova/privrednih odjeljenja pri sudovima dodatno uskladi i unaprijedi na osnovu rezultata procjene VSTV-a.
  - Ona predlaže da se izvrši procjena postojećeg sistema s ciljem poboljšanja funkcionalnosti sistema, pri čemu bi se osigurao usklađen pristup ovom pitanju.
- 4. Tehnička i pravno-koordinaciona uloga Tima za ocjenu primjene krivičnih zakona**
  - Evropska komisija predlaže Ministarstvu pravde BiH da nastavi da osigurava odgovarajući forum za diskusiju o krivičnom zakonodavstvu na stručnom nivou.

## **5. Smanjenje budžetske rascjepkanosti**

- Evropska komisija konstatuje da osim usvajanja odgovarajućih zaključaka nije bilo napretka u rješavanju ovog pitanja.
- Komisija pozdravlja sve pokušaje pronalaženja alternativnih rješenja za smanjenje budžetske rascjepkanosti i racionalizaciju troškova pravosudnih institucija, posebno putem uključivanja korisnika (kao što je poslovna zajednica).

## **6. Osiguranje odgovarajućeg finansiranja pravosudnog sektora – reforma sistema sudskih taksi, rješavanje pitanja finansijske opterećenosti za troškove obavezne odbrane.**

- Evropska komisija pozdravlja sve inicijative čiji je cilj smanjenje troškova u pravosuđu kroz bolje korištenje finansijskih resursa, unaprijeđena naplata sudskih taksi i pojašnjenja vezana za procesne i pravne zahtjeve kako bi pravosuđe bolje odgovorilo na potrebe građana.

## **7. Unapređenje u primjeni krivičnih sankcija, smanjenje broja neriješenih predmeta kod izvršenja krivičnih sankcija – koordinacija zatvorske uprave, zajedničke obuke, alternativni sistemi izdržavanja kazne, pritvor (trajanje i osnova).**

- Evropska komisija podsjeća da pitanje usklađivanja svih zakona o izvršenju krivičnih sankcija u BiH još uvijek nije riješeno.
- Komisija poziva na dalje smanjenje zaostatka kod izvršenja krivičnih sankcija korištenjem okvira koji je s tim ciljem osigurao Projekat EU/Vijeća Evrope pod nazivom „Usklađivanje kaznenih politika i prakse u BiH sa evropskim standardima“.
- Smatra da bi primjena usklađenog kurikulumu i programa obuke zatvorskog osoblja direktno doprinijela približavanju zatvorskog sistema BiH evropskim standardima.

## **8. Zakon o tužilaštvima u FBiH – odsustvo napretka i rastuća razilaženja u stavovima, alternativne opcije i moguće reforme.**

- Evropska komisija ponavlja svoju podršku usvajanju jedinstvenog Zakona o tužilaštvima u FBiH i poziva ministarstva pravde FBiH i kantona da koordiniraju napore na pronalaženju odgovarajućih rješenja.